

MAMIT DC IN TLAWMNGAI PAWL AIAWH, KHAWTLANG HRUAITUTE LEH POLITICAL PARTY HRANG HRANG AIAWHTA KAWM

Vawiin khan DC Conference Hall, Mamit-ah Dr Lalrozama, IAS District Bawrsap hovin tlawmngai hrang hrang, khawtlang hruaitute te leh Political Party hrang hrang aiawh te'n Mamit District hmasawna tura thawhhona tha zawk a awm theihnan inkawm hona neih a ni.

Meeting kaihruaitu Mamit District Bawrsap thar chuan Mamit District hmasawna turin Sawrkar Department tan maia thawh theih a ni lova, khawtlang hruaitu, tlawmngai pawl hrang, Political Party te nena in lungual taka kan thawhtlan a pawimawh dawn thu a sawi a. Mamit District chu Aspirational District kan nih angin chawikan kan nihna tura hmalakna hrang hrangah a hlawhtlinna hmu turin khawtlang hruaitu leh tlawmngai pawl aiawhte an pawimawh hle a ni a ti.

Vawiin meeting-a kalte hian Mamit District hmasawna tura rawtna hrang hrang an neihte District Bawrsap hnenah hian thlenin mipuite harsatna thlen zawnga kawngpui dung-a motor park chungchang, Khawpui chhunga hmun lunlaia Motor siamna Workshop awmte, Vantlang kawng tibawhlawh zawnga ran talh leh Ui leh Ar chhuah zalen chungchanga khapna thupek felfai leh khauh zawka siam ni se an duhthu an thlente chu District Bawrsap chuan SDO (Sadar) hmalakna hnuaiyah a theih ang anga tihlawhtlin tum a nih thu a sawi.

District Bawrsap chuan kan hma lawka MP Election kan neih turah boruak muanawm tak leh mipui a tam thei ang berin vote an thlak a hlawhtling taka kalpui a nih theihnan khawtlang hruaitute chu a theih ang anga an mahni veng chhung theuhva hmalak pui turin a sawm bawk a ni.

Meeting-ah hian SP Mamit, Addl DC, Mamit Public Relations Officer, Mamit, DC Office-a Officers te bakah Tlawmngai pawl hrang hrang Sub Hqrs YMA, MHIP, MUP leh MZP aiawh, Khawtlang hruaitute leh Political Party hrang hrang aiawhte an tel a ni.

Written by: Paul Rokima, MIS, DIPRO – MAMIT Dated: 11th Mar 19 6:08 PM